

澤
雅
堂
詩
集

澤雅堂詩集卷五目錄

哭吳蘭皋

宗湘文觀警重葺愛山臺落成招飲

秋來

哭鈕右庭

秋心

檢敝簾中得故人黃秩清少堂題宣城太白樓詩
壬戌之難少堂爲賊掠去無後爲詩弔之

先子墓下作

代野田黃雀行

百草

將至西谿舟中作

舟中曉起

西谿

花塢

校書戴園與同事諸君子

冬夜有懷子與揚州子高金陵

憶家

谿行見木芙蓉

種竹同戴穗孫同卿作

送陶模子方之官文縣

憶舊示鈕承檠蓮嗣

江上春歸圖爲甘元煥劒侯題

寄郭慕徐觀簪

聞高行篤叔遲小住焦山憶之

襍感與睂叔

人日秦澹如都轉席上作

渡錢唐江

會稽署中作

同王一德勉旃吳茂先容軒登蓬萊閣

會稽山謁禹陵同陳王兩丈

南鎮

小雲栖寺有襄卅香和尚

陳子餘大令邀游蘭亭

戴園種花樹

登崇文書院仰山樓奉襄薛慰農先生

歎花樹

西堂詩夢圖爲蔡鎮璠瑜卿作

舟中卽事

晚泊袁家漚過叵友徐時泉故居

題山家壁

古詩

卽事

同寶書秦如彪嘉君登愛山臺

與子高書埵一律

戴園

茶禪第一圖爲益甫題

戴園夜坐同陸元鼎春江

哀哉無母兒行爲王禹堂跋甫同年作

去歲

曉發錢家潭

寄沈似竹保祥并乞代致胡文忠公讀史兵略

寄陳符子祥金蓋山

晚來

夜起

秋生

絕句示姚文治湘湄

秋夜曲

澤雅堂詩集卷五

辛未至壬申

烏程施補華均父

哭吳蘭皋

有子期庸庸英物不爲福奇姿摧拱把已矣千尋木嗟
君良吏後頭角嶄然簇顧視鄉閭常兒慚局促天性
近雄猛往往憎凶族剛蟲與鷲鳥人類見君獨慨然將
帥才文字忍拘束生材天亦難何意自摧辱明珠沈濁
水光耀竟不燭兩年病牀席疔瘡肌無肉是夕雷電飛
驚風動村屋白氣蓬蓬生帷帳散奇馥君魂何處歸妻
子徒悲哭他生儻有然慎莫辭凡碌

我昔東避寇君亦遙相隨扁舟出具區層冰高崔巍羈
栖同里鎮室廬陋且卑左有羊豕闌糞穢常不治傲然
意氣在抱邾誦書詩兒童怪此聲客豈病風爲東南苦
盜賊武事如兒嬉中宵動吁歎如任戎臣師新婦初入
門張皇議竈炊非時良可哂豈謂斯言違僮婢訾其傷
無粟明晨飢張目視空闊黯黯孤雲飛寧知遭短折尺
寸俱未施功名媿豪俊壽命輸頑癡嗚呼天祝予獨爲
吾徒悲

宗湘文觀簪重葺愛山臺落成招飲

名源瀚

崢嶸郡齋西崇阜出榛莽翛然寄眄睠平挹四山爽大

賢近在官勝槩暇追往荒基奠傾圯層構備幽敞初秋
展芳宴倦客陪清賞循欄怯外峻接席悅中廣浮煙萬
家聚過雨諸林響澄湖天外遠夕峰檐際朗春醪初啟
甕鮮鯽乍離網歡言襍諧笑佳詠繼疇曩敝俗良已化
新機欣在養美政今視昔登臺勞歎仰

秋來

秋來多肺病亂後少心知繞室朝行藥呼兒夜誦詩乾
坤餘倦客車馬此閒時起數籬邊菊含霜發幾枝

吾宗狂處士

族兄薰

冒雨喜相過善飯身猶壯清言氣愈
和青氊隨處好白髮近來多勿負登高約提壺與嘯歌

一秋長苦雨乍喜晚來晴人事經時少詩心入夜清寒
星飛有影斜漢轉無聲催夢城頭鼓沈沈近四更

哭鈕右庭

生無柔佞骨於世甘貧賤年命復勿償蒼蒼宜任怨十
六卽識君一日幾回見狂名滿鄉閭自命古之狷身處
膏腴閒枯槁見顏面富貴如空花吾目終不眩十年通
羣經學易爲憂患高揖虞仲翔三爻夢中嚙平生苦擇
交愛我過親串推許衣冠場背人遭責譴亂後一再逢
單衣適至骭流離身未死磨折性逾卞終憐君子交偏
激勝流便金木動相戕養氣固未善他鄉遽急疾臨絕

無餘戀吾生未衰老屢哭同時彥斯人又淪喪寧不訝
奇變人生百年內飄忽若飛電神存萬事息泉下或安
晏獨疑皇天心頑鈍託深眷貞姿偏短折難爲好修勸
秋心

秋心夜澹沱萬慮方在養孤鐙照見之蓬蓬似雲上蓬
蓬復漫漫天風吹不往哀樂相爲根忽幻瓊瑤想一我
頗難著誰謂九州廣夢中倘無拘攜魂適蒼莽

檢敝簾中得故人黃秩清少堂題宣城太白樓詩壬戌
之難少堂爲賊掠去無後爲詩弔之

童稚情親二十秋亂餘消息竟悠悠身爲猿鶴兵閒化

魂戀庭闈地下游鴻雁聲隨天共遠魚龍氣與水爭流
少堂太白樓句江山如畫何年少側帽題詩李白樓

先子墓下作

先君四十三賤子始出腹荏弱苦多疾八歲方就讀幼
弟未免懷呱呱襍嘯哭資生賴十指歲儉飯不足愛惜
兩兒郎艱難致梁肉覽鏡捋髭鬚自歎衰齡促待汝項
領成孤墳拱羣木聞言知絕痛涕出霑衣服悠悠廿九
年烏兔奔何速歲暮百草零清霜被巖谷悽悽孤兒心
黍稻薦新熟誠知椎牛祭不抵生啜菽庶幾慰九泉喪
亂有似續潛德天所昌左右瞻林麓何時置萬家煌煌

禁樵牧

代野田黃雀行

野田積洪水浩浩成江河燕薊千餘里歎息秋無禾蛟
龍窺城隍忽復揚其波廬舍半淪沒忍聽流離歌黃雀
飢欲死啾啾繞林柯遇食且一飽未暇愁網羅毛羽日
摧落歲晏將如何少年莫見取遺類方無多

百草

仲冬霜雪繁百草淒以折孤根含膏滋生意亦未歇東
風何淡蕩漸已青春節青春猶未深陰凝更霜雪萌芽
易發舒在初貴不泄蔥鬱會有時毋爲自摧絕

將至西谿舟中作

寒漪十里舟容與落日空林黯前浦欲斷不斷煙中山
紫翠濛濛滿窗戶繫纜蒼茫谿上村更邀明月入清尊
疏鐙夜火知何處無數蘆花隔寺門

舟中曉起

客與鳥同起荒荒村塢閒寒霜沙觜樹初日屋頭山昨
夜夢何處扁舟心最閒披衣問谿水持底急潺湲

西谿

曲港平橋路欲迷煙波處處似茗谿一行添得沙頭雁

飛入蘆花不住嘒

湖州少雁

萬蘆花裏賸荒祠斷雨零風薄暮時疑有驚鴻來顧影

一龕煙絮課唐詩

交蘆菴供樊榭老人及姬人月上木主

秋雪庵前秋已殘飛花飛絮滿河干扁舟別港暮蕭瑟
青岫數峰相向寒

花塢

寥天動虛籟層壑交清聽威夷行易深窅窅狀難罄林
迴鳥聲悅巖合晨光暝翠澗過僧厨綠篠通樵徑在邇
遐已會居囂靜彌勝翛然清淨懷持與枯禪證

校書戴園與同事諸君子

同是役者爲黃以周元同王貽壽睂叔董慎言仁甫

高驂麟仲瀛陳豪藍洲張預子虞王麟書松溪及仲
修儀父等二十四人種學績文竝時英妙

不惜山樓住蕭條共歲寒諸賢今代秀此會後時難莊
謔文俱妙迂狂罪最寬揚雲方寂寞應少盍簪歡

了了觀經史羣居志不紛無端持異議欲與破前聞身
賤言何忌心同學自分何如杜陵老祇解細論文

百代觀書眼千尋種樹心窮愁方有託池館若爲深寒
水畱瀟照浮雲結晚陰遙遙望先哲抱邾一長吟

冬夜有懷子與揚州子高金陵

孤情百不愜傷別居其半況茲童稚交夙昔共宵旦羣

居豈不樂奔走緣時亂東西信飄泊忽若浮雲散凌生
賈廣陵游興未汗漫戴子冶城栖與俗殊冰炭伊余久
蹭蹬素髮已垂蒜傷禽斂羽翼意不忘霄漢蕭蕭雨雪
至懷舊動吁歎豈惟歡悅情齟齬亦可念詩人歌伐木
三復有餘惋何時下澤車出入同鄉閭

憶家

客行無遠近門外卽天涯落木秋將老寒鐙夜自花霜
清蟲負戶風急雁唳沙欹枕山樓靜沈沈獨憶家
谿行見木芙蓉

凜秋眾芳盡流覽空蕭瑟夫容獨鮮新亭亭數枝出繁

霜結遙夜孤根未摧折自惜貞秀姿含苞待初日嫣然
洲渚閒凌寒散芳烈

種竹同戴穗孫同卿作

戴園寬五畝秋氣殊刁騷槎枿數行樹太息霜中凋南
山買叢竹移種良脩脩嗟哉愛惜意培壅非一朝寒風
淒以厲不慮孤根搖秀發矧天性所據無肥磽春雷殷
巖谷天矯抽煙梢想見三四年密蔭遮房寮佳人振環
珮窈窕疑見招取材任翦伐慎莫供林樵有美懼枉辱
挺挺裏孤標從茲日存問歲晏增新交

送陶模子方之官文縣

不省金閨彥蕭然去武都鳴琴傍龍峽把酒別鴛湖惻
惻多親舊悠悠念道塗南飛有征雁能寄數行無
絕塞黃雲暗孤城黑水流關山何處險租稅幾家愁亂
氣艱難弭生機宛轉謀

帛書褒異政還足寵交游

憶舊示鈕承榮蓮嗣

少年落落頗耽酒謀生每處他人後厨中無米桁無衣
閉戶難爲三日守汝翁翦水雙碧瞳識我乃在蓬蒿中
旁人非笑翁歎息此郎終是千夫雄

疇昔之夜風雨惡燈火幽微鬼聲作狂夫獨臥西閣中

酒醒正憐衣被薄汝翁率然來叩門挑鐙把卷重討論
人聲互起鬼聲絕小童旁立驚心魂

十日五日長閉關案頭書卷堆如山兩昆伏案百回讀
斷斷梨棗嗤汝頑庭中牡丹憔悴死一夕雙花粲紅紫
我謂他年文字祥持尊相屬翁歡喜

我愛汝兄二十二崛起爲文頗識字從子阿桎可笑人
開口談經閉口醉兩生病死皆少年遺書零落如秋煙
木橋西去故居在獨行門外心悽然

江上春歸圖爲甘元煥劒侯題

石頭城裏豺狼嗥石頭城外天淒淒居民忽似覆巢鳥

悲風落日飛東西今歲江南震鼙鼓明年江北焚樓櫓
登高處處見烽煙何人不歎流離苦神施鬼設湘中兵
蹴踏營壘金陵平歸來城市苦蕭瑟向人但有鍾山青
鍾山山下讀書處斷井頽垣足狐兔十年飽看劫灰飛
憔悴中庭桂之樹

君家被廢但
餘老桂而已

寄郭慕徐觀簪

名階時署上
海海防同知

孤鐙風雪歲將殘頗憶幽人滯一官快語每驚肝膽露
長謠唯覺道塗難寥寥星斗雞聲曙鬱鬱樓臺蜃氣寒
滄海卽今波浪惡未容安穩著漁竿

依舊東都一草廬空勞詞賦薦相如孤雲自媚山中客

斷雁還傳海上書
琴酒尙能容吏隱
蛟鼉何意傷人居
城南小沈殷勤過
爲話官齋嘯詠初

聞高行篤叔遲小住焦山憶之

今夜松寥閣因君夢寐勞
江潮欹枕落山月閉門高
近別仍千里卑官況二毛
安心問何法咫尺動波濤

襍感與睂叔

天際孤雲不定飛
登樓悵望意多違
江山把酒當誰待
風雪催人尙未歸
林鳥自驚寒悄悄
鐙花何喜夜輝輝
隻雞近局消殘臘
輸與田家世事稀

佳人窈窕暮雲多
欲贈薜蘿柰遠何
一擊已虛還學劍

有憂難遣況聞歌天陰魑魅頻窺客歲暮江湖未息波
如此鬢絲青鏡裏可能無意歎蹉跎

人日秦澹如都轉席上作

名細業

梅花似使君入坐挹清芬人日初延客家風善屬文書
從官裏聚柑喜醉中分況復乾嘉事時時得異聞

渡錢唐江

浩蕩乘風發初春似凜秋江山有孤客吳越入扁舟樹
遠雲中斷潮來水倒流茫茫問胥種遺恨幾時休

會稽署中作

旅愁如水至忽忽過新年高館還風雨春城自管絃欲

攜鍾阜客

上元王德廣文

同泛鏡湖船看取林巒美因之世

慮捐

同王一德勉旃吳茂先容軒登蓬萊閣

蒼然羣壑閒傑閣岌嶷出振衣試依憑層城動晴色曲
檻蟲垂絲飛檐鳥張翼平臨四達衢俯瞰萬家室野水
春生波芳林翠如織江雲浮魚鱗海氣連鰲極浩浩禹
陵風荒荒秦望日側想登州城蛟蜃久相逼呼吸幻樓
臺心目爲眩惑何如茲土游曠盪啟胸臆神山無定方
心遠況可卽

會稽山謁禹陵同陳王兩丈

東南一隅遠五嶽名山作鎮唯會稽蒼然秀色照吳越
巖岫高與青冥齊噴雲洩雨一顧盼靈氣拂拂神所栖
大官禋祀四千載祈報亦復來蒸黎晴游命棹陪二老
澄湖劃破青玻瓈初陽升林光射水蜿蜒動影如虹蜺
陰森徑路趨禹穴長風絕壁吹淒淒百靈恍惚擁陵闕
龍蛇欲出聞訶詆响嘯豐碑太古色丹文綠字驚瑰奇
區區嬴政那足數功德刊刻污山谿振衣浩蕩接飛鳥
俯覽忽覺千崖低去年六月東游岱陽岑陰巘通天梯
手捫星斗震魂魄荒荒下界蒼煙迷今隨杖履此登陟
腰腳健捷輕攀躋側身東望江海闊明德遠矣增歎嘻

千村萬落生晚靄歸途歷歷山禽哢

南鎮

叢祠終古傍山陲伐鼓刑牲父老思羣壑冥冥交翠氣
百靈隱隱耀金支石龜吐雨虛堂溼谷鳥呼風古樹欹
蒼壁數尋苔蘚積更無朱十與題詩

小雲栖寺有襄卍香和尚

高僧無礙禪身與秋雲沒虛房散餘清寒潭寫孤潔久
坐梅花林冷然疏磬發

陳子餘大令邀游蘭亭

名寶善

茗溪倦客欲歸去主人重放蘭亭舟惠風飄搖振襟袂

出郭已喜千巖幽煙姿雲態看不定遠影更作蛾眉修
春水茫茫漾晴綠疏篷短棹行夷猶溪迴路轉始登岸
筍輿不于緣林邱新篁夾道水流澗時聞野鳥鳴鉤輈
丹崖翠壑相對出一亭中峙煙嵐浮四十二賢此觴詠
我來忽已千餘秋遐心浩浩託山水興趣亦外形骸求
惜哉不見王內史當筵自敘蘭亭游龍跳虎臥出奇筆
縮手傾倒衣冠流明朝我發山陰道人生聚散良悠悠
視今視昔有同感匪徒景物供探搜詩成爲獻神明宰
倘有新篇成唱酬

戴園種花樹

戴園五畝城東隅侍郎少日曾幽居

戴文節公

侍郎仗節外

寇敵祀之故宅偕馮俞

馮文介公
俞文節公

門庭丹碧重修飾此

園亦復除榛蕪去年借作校經室遂有水石資清虛水
寒石瘦氣蕭瑟孤吟往往臨長渠春來刻意事種植布
置日與羣賢俱老梅疏幹映波出天桃文杏綠階除巴
且當門夾梧竹綠渚搖漾兼芙蕖前日天陰昨日雨潤
氣所聚回燥枯種花終見開爛漫種樹終見垂扶疏深
心且俟十年後我去可付人嬉娛東風淡蕩弄晴色黃
蜂紫蝶來徐徐盎然春意動亭榭對酒已喜畱斯須世
閒物物不自長所賴我輩培根株一宿埽地古人有朝

蓬夕漑吾非愚神靈咫尺或依託聞我斯語當何如
登崇文書院仰山樓奉襄薛慰農先生

青山窈窕窺簾櫳識我重到湖樓中湖樓當日展芳宴
笑語曾侍桑根翁翁臥樓頭養閒散樓下弟子橫經從
斜陽荒荒亂花竹書聲遙荅雲林鐘春秋佳晨翁意喜
丹宮紺宇行扶筇林僧知愛長官好乞詩畱作清淨供
一從几杖傍鐘阜湖山黯淡含離容樓西天桃十餘樹
向人但有無情紅我亦征塵滿顏色茲游再與王郎同
王生維翰當時坐位尙可數醒客醉客皆融融薛廬崢嶸況
在眼舊栽草樹青蒙茸蟲絲垂垂燕泥落主人久別山

堂空頗聞腰腳翁尙健獅林虎阜吟春風布帆搖漾三百里到此猶及鶯聲濃鶯聲嚶嚶翁不至酒腸詩膽誰能雄徘徊暝色動窗戶四山月吐黃濛濛

薛廬在鳳林寺及門爲先

生建

歎花樹

老晴十日天融融嬌鶯坐樹啼春風無端陽氣曉蒸鬱軒窗奇暖如炙烘小魚銜尾爭欲上圓沫吹滿方池中
天桃臨波矜爛漫千花一夕枝頭紅單衣輕薄汗不止微行腰腳增疏慵仲春忽已施夏令方疑錯迂由天工
夜眠高閣燈火息飛電繞壁雷聲雄五更猛雨驟蕭瑟

夢魂搖漾春寒濃遙知花樹罷顏色小園明日還深冬
精華早洩物所忌可憐摧折無好容黃蜂紫蝶更憔悴
垂翅久隱寒花叢陰陽倚伏有如此非時發露終無功
吐榮遲暮豈不感含煙映日天斯充偶然風雨亦能耐
離披不與茲花同晨明開戶歎花樹培壅仍遣僂僂翁
西堂詩夢圖爲蔡鎮璠瑜卿作圖爲感其弟子瑾早亡而作
玉樹春搖落人生信可嗟依然怨窮薄何意付才華豺
虎山中路風濤海上槎三年奔走苦垂歿淚橫斜
當時無恙在已苦別離多飄轉方如此摧殘可柰何黃
壚餘涕淚青鬢老干戈況對連枝痛淒涼不忍歌

舟中卽事

乍覺空江暝旋聞急雨懸雄雷驚伏枕高浪欲吞船去
住人難主炎涼氣忽偏一編相晤對吾意總夷然
晚泊袁家漚過亾友徐時泉故居

長超山下泊獨歎老徐亾亂世能完節衰年不減狂拋
書兒嬾情扶病婦淒涼夙昔窮交在題詩付草堂

題山家壁

新柳短于人山家三月春移巢邀燕子炊餅祀蠶神菜
把登槃美茶芽薦客新相期租屋住與汝往來頻

古詩

主人且勿喧聽我歌一言我歌古藤杖產自衡山巔其
根深以固修幹殊蜿蜒日月多照耀花葉交新鮮蘭蕙
生其下揚芬何郁然亦有荆榛枝芴出相鉤連居高蔭
自廣容蔽無愚賢何年截作杖敬獻君子前君子艱步
履依倚良所便崎嶇忽中路恃汝扶其顛扶顛躋坦蕩
功大誰能先末途致一蹶厥咎羣歸焉遂去君子側屋
隅長棄捐歲久傷委化精氣還衡山平夷有何賴所慮
逢險艱神物代相出或在林巖閒曲形承直體先後甯
殊懸君子千萬壽持以臨几筵

卽事

雷聲近傍金井峰四山晝暝雲蓬蓬奔崩風雨半空至
孤舟欲往迷西東雄虹忽吐青赤氣陰林落日天容異
驚傳飛電滿層城閉戶千家苦難避

同寶書秦如彪嘉君登愛山臺

扁舟風雨越中還情話聊拚一日閒我到故鄉如作客
春來高閣共看山雲濤萬頃帆檣外煙火千家几席閒
桑柘成陰青靄靄育蠶時節念民艱

與子高書坵一律

戴子嚶嚶古狂士長年不遣住山林著書雖好名仍賤
作客無聊病又侵未老親朋偏委謝非秋門巷亦蕭森

旅愁知爾如江水江水時還有淺深

戴園

晨氣涼於水林亭避俗譁泥鬆初轉蚓草淺不藏虵紫
拆風前筍紅欹雨後花商量消夏計千卷列橫斜
天地吾如寄園林住亦佳輕陰新種樹淺水亂跳蛙鳥
毳疏簾入苔花斷井埋侍郎名節在故宅獨傷懷
朝朝勤種植吾亦一園丁把酒花應笑談詩蜨許聽林
風頻落果池雨暗生萍憂患仍多暇翛然託性靈
牆角梧桐樹疏疏五月秋初心甯著作長日且林邱蝸
篆窗陰互蜂窠葉底稠晚藥行藥興還抵入山游

茶禪第一圖爲益甫題

益甫自言十六歲時病中夢見如此因衍爲詩題其卷後

蕭蕭病榻茶風生此身忽若寒蟬輕一息千里飄然行
仰見星月空中明峨眉天半撐孤青陰崖絕壑秋冥冥
蒼藤倒挂朱實零長松夾道如相迎雄倡雌和猿哀鳴
十里五里聞鐘聲茅茨高下隨山成蓬蓬雲氣飛窗櫺
中有故我非今形袈裟被體癯而清貌則變易神合并
張目顧盼遽然醒兩僧旁立皆弱齡竹爐火動光熒熒
蠓眼魚眼須煎烹出門一笑幽澗橫臨流濯足泉泠泠
忽歸牀寢心魂驚繞室猶作旃檀馨三十年事如流星
一官又復羈簪纓團茶未熟且公卿此心終與枯禪盟

戴園夜坐同陸元鼎春江

梅雨瀟瀟不斷聲六時纔得一時晴已拚新月窺林出
復有陰雲拂水生絕域兵戈看蟻鬪高堂鼓吹聽蛙鳴
何人簾底翻棋局只恐中心太不平

哀哉無母兒行爲王禹堂弢甫同年作

哀哉無母兒揮涕紛漣沔聲容不復覩覩此諸篇詩捧
詩再叩首爲我陳淒其大母昔有言吾母未嫁時早失
外王母絕食常恨悲呻吟父又病左右侍不離焚香夜
告天請以身代之告天天勿荅膏肓疇可醫抽刀向幽
閨割臂忍長嘯和血入湯藥霍然諸患治親戚聞歎息

何用生男爲大母昔有言吾母居中閨小姑及幼叔不
學多頑癡吾母教之讀口舌忘困疲阿翁顧而笑汝輩
今有師清晨起操作門戶母是持僮僕亦在念背面無
怨咨堂前菊吐秀堂後蘭含滋吾母手親植花開中心
怡吾時垂兩髦高與几案齊見母對吟詠婉變相追隨
詩成使諷誦聲病析所疑倉皇賊大至城郭聞鼓鼙城
郭倏淪沒逃遁難定栖行行抵巇坑地遠人民稀百里
日負米吾父雙足胝吾母炊作飯先飽大母饑分享徧
家屬上下無或遺背人襍糠覈自咽甘如飴亂定還故
居滿目生慘淒飢鼠竄房室野雀巢門楣堂前菊已死

望後蘭亦衰悵然念疇昔委頓力不支委頓久牀席卽
事增哀思大比興賢能命吾試有司遲徊勿忍赴復恐
期望違吞聲就長道魂夢猶寢帷嗚呼天不弔星奔悲
已遲肝腸寸寸裂萬死何由追房有母覽鏡室有母織
機衣裳母所製典籍母所披物物觸傷痛淚血交淋漓
諸篇乍掇抬手澤實在斯生平得彷彿敢以視所知哀
哉無母兒君哀予亦哀荒荒北堂上七歲無春暉寒風
折大木夜半驚鳥飛相逢但一哭慰藉終何詞

去歲

去歲逢茲夕沂州聽雨風五更千里外一我萬愁中僕

散囊錢盡驢鳴棧豆空今年安喫飯不怨校書窮

曉發錢家潭

極浦舟容與晨征太覺勞林風清不歇山月曉還高小
港抽蘆葦平田動桔槔農書如許讀吾欲老東臯

寄沈似竹保祥并乞代致胡文忠公讀史兵略

使君談笑別杭州千里看乘鄂渚舟官裏圖書供暇日
天邊江漢接新秋功名有會今猶昔人物無多我亦愁
甚欲風流隨阜蓋高吟黃鶴古時樓

楚尾吳頭戰伐名大星驚墮武昌城湘雲尙帶旌旗色
漢水還流鼓角聲薄宦十年知想望遺書千卷讀縱橫

鄉閭兵略流傳少饑渴相酬賴友生

寄陳符子祥金蓋山

城居坐臥苦炎暑十日五日無雷雨悄然獨憶金蓋山
中有幽人毛髮古高齋六月含孤清階除漉漉流泉鳴
朝來同起暮同宿翁與白雲如弟兄

晚來

晚來山雨洒然至雨止還聞流水喧新月娟娟照孤枕
涼風颯颯起閒軒終當竹簡書吾事請與荷花證此言
人靜夜深鐙火息碧螢簾底自飛翻

夜起

不知何處雨庭宇夜涼生落月牆陰淡飛螢草際明萬
家酣曉夢百感赴秋聲凝望天西北輝輝太白橫

秋生

羽衣仙子夜吹笙碧落如聞縹緲聲要駕靈槎傍河漢
瑤樓玉宇看秋生

絕句示姚文治湘湄

眼底妍媸總不同嫣然一笑綺羅空陽城下蔡都迷惑
輸與無鹽在後宮

秋夜曲

廣寒初啟琉璃房三十六天飛桂香羣真倒跨青鳳皇

夜深語笑銀河旁
玉笙淒厲瓊樓裏
哀歌似輓神仙灰
萬年老兔雙角摧
委地元霜收不起
人天哀樂洪荒同
秋花冥冥嘯夜風
怒鞭龍伯聽驅遣
碧海吹入紅螺中

澤雅堂詩集卷六目錄

送子彝之官閩中

再送子彝

吁嗟篇

夜登吳山大觀臺

聞蟋蟀

贈仲瀛

秋懷

夜坐與元同同年

晚投韜光寺

題益甫詩集後卽效其體

楊家橋田家

同仲瀛游一粟庵贈僧懷德

海上贈凌福田蘇生

將歸畱別蕭穆敬甫

周浦同仲瀛夜宿

舟過嘉善

同仲瀛子平元同游紫雲洞還至鳳林寺午飯有

懷薛慰農先生

送江子平至光州

贈汪曰楨謝城先生

哭戴子高

舟次張家哇

蘇公祠題壁

與沈彥模子範夜話

海上五憶

有作二首

鳳林寺薛廬題壁

戴園夜坐喜沈晉蕃恒農至

戴園納涼四絕句

憶張維禎聽泉

田家雜詠

自題鄉試行卷後

憂旱二首寄張行孚子中同年

望雨

喜雨

張子虞負書圖

吳山文昌宮觀潮卽席有作同秦勉鉏樹銛馬幼
肩賡良及陶子珍方琦心雲濬宣昆季

澤雅堂詩集卷六

壬申至癸酉

烏程施補華均父

送子彝之官閩中

有山胡不隱有田胡不耕馳驅閩嶠五千里坐令猿鶴
憎簪纓君言親老不得已右手持杯君盡此男兒豈作
蓬蒿人如我前言誠戲耳曉霞七月橫空飛曛曛赤日
燒征衣輕帆浩蕩向滄海丹黃照耀珊瑚肥君官閑散
眞馬曹腳鞢手版無多勞釣龍臺上一尊酒題詩直壓
秋雲高秋雲亭亭似車蓋送君孤鳥長天外不見伊涼
百戰場諸公袞袞方旌旆

再送子彝

夜夢鬼揶揄，閉口不得語。但見汝送人，不見人送汝。送人良已多，於子託肺腑。名場二十年，垂老始簪組。快乘趙趙風，窮海冒炎暑。山廚出酒漿，臨觴未能舉。宰相時來爲，尙可百鄭五。微官如黑子，著面那堪數。飽啖紅荔支，且爲翻新譜。移牀呼遠客，束帶謝校部。睥睨風塵間，強項不可俯。何須斟貪泉，白不媿芳杜。作書付草堂，猿鶴敢輕侮。酒闌月當席，秋近漢按戶。庭竹風飕飕，婆娑爲君舞。眾賓醉言歸，孤燭花媚嫵。君行非本懷，矧我守環堵。短髮嗟已衰，高歌意良苦。寶劒在牀頭，吐氣猶龍

虎

吁嗟篇

高原生惡草引蔓初不長先時失翦刈延緣官道旁舊
蔓續新蔓漸與行路妨下者覆水涘高者垂屋牆牽一
眾搖動蔓斷根未傷輾轉倏如故我手嗟已創城中車
馬客坦坦馳康莊語之苦未信疇議芟除方

夜登吳山大觀臺

遙夜登臺嘯空明月滿城九霄橫露氣一雁動秋聲吳
越蒼然遠人天共此清吹衣風浩蕩江上又潮生
中秋夜同儀甫睂耒藍洲朱鍾璇慕庵戴園飲酒

後日念今日此會誠悠悠清言接芳宴佳夕臨中秋明月萬古色笑我如蜉蝣蜉蝣亦有天旦暮非不修所惜旦暮內哀樂難自由合併一何幸嘉醴申綢繆冥冥鴻雁影澹澹河漢流桂華粲以繁露氣林端浮緬懷羽衣人吹笛空中游靈風振鸞鶴縹緲誰能求

聞蟋蟀

清露被寒草蟋蟀啾啾鳴幽人擾不寐起繞中庭行微蟲有何怨聽者自不平肺腑百憂伏一觸纏縣生嗟哉壽命固毀敝由多情緬惟太上義相戒搖爾精氣至始振響氣盡旋收聲完神適自然彼善役其形團團桂之

樹素月皓已盈夕風吹高枝細蕊流幽馨潛心歸沈寂
所接無非清聲音本自外中定何紛營

贈仲瀛

儒生恥與兵子語天下何時方偃武周官將帥出六卿
搢笏垂紳能禦侮彬彬文學歌太平此輩且宜高閣貯
踰溝久數樊遲能治賦曾聞仲由許高生高生今代豪
少善詞章通訓詁慨然時事宵談深太白輝輝天尺五
戎機欲洩神鬼幽陣法還求蛇鳥古東鷄西鰈聲靈阻
滄溟萬里亡門戶鯨鯢橫絕誰能取拔劍徘徊不成舞
肝膽相傾吾與汝

秋懷

春秋本推易時至安能違融和自茲去下士良歎歛商
風淒以厲吹我堂前幃頽陽照衣袂黯黯非朝暉驅車
適荒野萬籟鳴聲悲浮雲亦有族飄忽長空馳孤鳥在
其下振翮徘徊飛喬柯半摧折日暮當安歸

客子夜無眠短燭然高閣秋月良多暉晨星忽已落鴻
雁東南飛未曉天漠漠微霜下空庭寒氣襲簾幙歎息
敝裘溫新衣不堪著窗雞三四號傷皇意何託曖曖東
升陽流光照葵藿

已秋不再夏奇暖生朝陽天宇輝晶晶陰雲絕飄揚林

樹還青蔥晚蕊時弄芳栖禽一何樂林際交迴翔飛蟲
亦出游嚶鳴軒檻旁金火相擊搏陽竭凝煙霜凜威一
夕至悅豫安能常微生失藏蔽見近吁可傷

蛟蜃嘘晨霧縹緲成樓臺燦燦珠玉華奇貨甯非災有
鳥曰王母翩飛近蓬萊營巢丹闕外瓊樹高崔巍初陽
動光景靄靄雲窗開仙人駕鸞鶴窈窕疑可窺豈無金
彈丸一擊毛羽摧神山遠莫至悵望徒憤悲

夜坐與元同同年

三更欲盡風滿林明月入戶如相尋非寂非感坐虛室
湛然見我生初心翁洲先生亦不寐逍遙而至聞足音

清言自信無機事林端忽有驚飛禽

晚投韜光寺

暝色千崖合秋聲萬樹分蒼然庭戶外遠海與寒雲晚
飯無非事虛堂別有聞臨流歌濯足澗月白紛紛

題益甫詩集後卽效其體

老趙雄強無與競一畫一書見天性肥皮厚肉痛刮磨
奇骨森森寫孤勁一臥馬市淹朝昏寒風蕭颯吾打門
坐出新詩若枯樹霜落枝葉春含根詞人半是倡家婦
冶態儂姿無不有娥媚百出文字場應對此詩憎老醜
此詩老醜骨最堅下壽尙可三千年左彼右此家一喙

唯唯否否終不然

楊家橋田家

桑葉落如此西風方颯然三時其操作獲茲數月閒
白米供晨炊芳氣浮竈閒短筍沙下茁晚菜霜中鮮
種秫更釀酒客至堪流連酒味無厚薄情語與爲緣
干戈憶倉卒微命眞幸全餘生乏遠計唯願治我田
醯雞宛轉舞在甕亦有天薄俗存微倖隨分寧非賢

同姓爲比鄰十九兵閒歿一二老寡妻悽悽守門里
亂定始歸來終歲親耒耜一夫力不多荒穢難盡理
暇勉娶新婦越歲已生子但願人數增男女俱可喜
老牛初

產犢肥健曳其尾明年耕我田得穀先飽爾

寇平八九歲比室猶廢墟耕田有餘資相將營屋廬荒
榛沒舊址彼此交躊躇厠身工匠閒負鍤與之俱秔稻
方在場屋成好收儲羣雞鳴嚶嚶登場食其餘烹雞供
遠客禮簡情意孚風塵久辛苦問客心何如

野老時相過短褐見真率羣犬怪巾裾狺狺吠我側初
心亦農圃誰令宦情感兒童窺面顏良媿風塵色生人
有手足天意使自食負耒互歌吟形勞神頗逸居鄉不
諱愚患起多聞識溫溫識字夫由來工盜賊
同仲瀛游一粟庵贈僧懷德

滄海九萬里一粟浮其間僧游一粟內中有浩蕩天人
生率真性何用機智纏行年七十二久以愚自全聞見
隨應付耳目常寂然此心本無往誰謂知所還階下長
春花流芬清淨筵生氣老不洩的的霜中鮮相逢偶然
耳何物爲因緣拈花問諸佛眞實甯非禪

埽除虛空禪二客愛僧愿僧亦愛二客齋堂苦畱飯餓
夫夢飽食旣醒飢腸困飢飽我腹知今朝眞設饌蔬筍
與魚肉下咽各無戀七箸聊足供已滿晨餐願金銀爲
世界天眼終不眩獨對支離人時時寄深盼平生眞實
意卽席良可見狐禪爾何爲如來巧裨販

海上贈凌福田蘇生

溪山如此不歸耕，海畔蕭蕭白髮生。垂老抱兒憂喜半，

長貧爲客別離輕。回思病叟春醪熟，謂奚子復先生邀看高樓

夜月明。題徧城南數叢竹，廿年人事涕縱橫。

將歸畱別蕭穆敬甫

枕上潮來萬馬聲，寒鐙孤館夢魂驚。天空鴻雁傳歸信，

歲晏妻孥憶遠行。此會偶然同逆旅，相親何意若平生。

明年待爾孤山側，千樹梅花一笑迎。

周浦同仲瀛夜宿

歲云暮矣風如刀，亂雲急雪欺歸舸。寒更三轉燭再跋，

擁衾談笑何其豪客居已狎濤瀾惡快論不輸絲竹樂
蜃樓鮫室萬人中何處飛來雙白鶴卽今淹滯滄江濱
枯桑折葦淒淒鳴夜深潮勢忽洶涌蛟龍應識舟中人
沈沈簾幙奇寒送墨池茗椀難消凍高歌自荅荒離號
歎息千家方睡夢百年變滅如浮漚一笑爾汝將何求
明朝咄咄詫奇怪東海爲我西南流

舟過嘉善

雄雞一聲萬事始疏篷倦客披衣起白茅黃葦鳴霜風
已覺朝暉滿船尾蕭蕭樹色隱荒城隱隱人言過小市
江潮鳴咽最多情送我西行三百里

同仲瀛子平元同游紫雲洞還至鳳林寺午飯有懷薛
慰農先生作

誤上千尋崖寸步石岵嶸臨深識膽虛升高知足弱喘
息久始定心前身屢卻攀緣度飛磴磴蹬下層壑却出
洞天背深冥覩驚愕雷公操大斧風電恣開拓遂成飭
呀勢時有精靈託幽泉暗鳴竇初篲堅抱籜陰氣襲襟
袖流汗忽已涸病僧供麤茗渴飲忘美惡歸循林麓出
夷塗健腰腳戲語同游人絕頂富靈藥

山鐘引游客深院行威夷齋堂來已熟龍象應不疑桑
根老使君堂後畱生祠清言久未接入戶徘徊思僧廚

出蔬筍淡飯療我飢既飽且久坐養此登臨疲庭前兩
梅樹花發無人知清池照孤影自惜神仙姿物性有堅
脆冰雪真爾時天天桃李質任與春風期臨行戒攀折
榮落僧所司明年使君至歎息方題詩

送江子平之光州

與汝相別魂夢勞與汝相見仍訾謗書生氣習苦未化
議論往往爭奇高戴園梅花其攀折寒風颯沓吹緼袍
侏儒笑汝飢欲死硯田礪礪長不毛却觀睂眼動行色
狂態已狎滄江濤春夜沈沈坐斟酌我曾磊塊先須澆
武昌夏口絕江漢待汝赤手操漁舸經過赤壁征戰地

久矣蠻觸輕孫曹爲我把酒酌公瑾風流顧曲猶人豪
光黃異人不數出岐亭下馬悲寂寥登高茫茫望鄉國
愁心落日隨歸潮天低鵲沒隔千里故人顏色何由招
嶺南使君省吏事喜延文士充賓僚中書老秃尙堪用
免冠而謝誰譏嘲歲月堂堂逐人去眼前齒髮難堅牢
樊籠斥鷃志太降何當鸞鶴翔煙霄明年梅花官道發
塵埃北望蘆溝橋萬人如海下車揖高歌痛飲思今朝
贈汪曰楨謝城先生

會稽學舍如破船會稽先生長醉眠先生讀書十萬帙
一官老矣貧無錢兩齋絃誦久寂寞庭前野草青芊芊

劉向揚雄矮屋底難與進士爭後先諸生但求速化術
爲學矻矻嗤窮年金銀之車杖杜字名場何代無此賢
在泮在泮合飲酒一壺終日相周旋撐腸拄腹不一吐
醉餘芒角常森然杜陵布衣不解事妄以名德推鄭虔
先生學術世無匹高揖諸老乾嘉閒便當載酒供斟酌
朝朝問字兼參玄

哭戴子高

始我識君時君年十又四崢嶸常見中睂眼絕殊異羣
經章句繁三徧已能記泛覽百家言流觀諸史載墮地
遭孤寒久矣天所廢至性含奇哀吐納皆秋氣賦詩驚

長老字字離騷義商風一何淒蕙草早憔悴幽芳易見
欺曾不比蓬艾衰宗產逸才誰謂吉祥事

悲歌淚如雨步上南山岑弔影碧澗水招魂青楓林孤
雲起暮色長風流哀音垂尾有困獸斂羽無歡禽天平
抑何高淵乎抑何深誰將萬古愁鑄此一寸心此心我
能識窮巷還追尋蕭寥破屋底濁酒相與斟瑾瑜方自
愛狂狷猶堪任邱軻忽焉沒混混生於今

十年充經師不知人事變生徒散閭里盜賊滿鄉縣流
離復流離飢寒苦爲患慈母送孤兒涕淚紛如霰門戶
日衰微賴汝存一綫滄海飛洪濤蛟蜃遞隱見揚帆百

憂集尙愈歿爭戰暮行朝還畱朝行暮猶戀并命非親
心去去掩嗁面去去寄我書未游心已倦吁嗟四民中
世亂士尤賤非譏滿榮達乞貸依親串平安慰高堂聊
可加餐飯

南登釣龍臺莽莽瞻故鄉烽烟一千里殺氣迷朝陽鳥
飛不得度揮涕霑衣裳危城百戰後焉能計存亡昨夜
夢慈母悽惻來我旁得非凍餓歿孤魂遠飄揚朝行襍
旌旆暮宿依虎狼童烏啞啞嗁數里一迴翔啣食初歸
來反哺情可傷哀哉舊巢覆絕叫摧肝腸遺骸蔽野滿
衰草如人長萬歿不足宥我豈生空桑七日拒食飲骨

立疑堵牆風吹白衣冠日暮升我堂何以相慰藉老淚
流汪汪

悽悽慈母魂飄飄游子身今年渡閩海明歲棲吳門吳
門望霅川曠蕩清煙塵游子還故鄉向我言苦辛崢嶸
仁皇山中有戴氏墳壑谷風蕭條新松短于人穿穴百
步接負土雙手皴野鳥鳴啾啾亦似哀鮮民魂兮盍歸
來盜賊已亡羣在目無駭顧在耳無驚聞幽宮安且固
況與諸親鄰恍惚疑可見忽幻前峰雲長號淚如雨入
地皆血痕我書孺人碑敬謹心所存豈唯姻婭義我友
方孝勤

佳耦招不來怨耦推不去勃篲一室中久絕生人趣孔
門三出妻古義今不據決絕棄家鄉隱忍對親故淒淒
苦羈旅惻惻感霜露千里奉烝嘗先靈倘來赴子然尊
俎閒形影慘相顧不知此身後誰歟主邱墓豈無小星
詩衾綢歌在御旁生與側挺亦足慰遲暮吁嗟龍宮方
獨不傳療妒寂寞還寂寞終歲煎百慮三百六十夜夜
夜見窗曙宿疾旋見侵奇藥不可遇文章爲子孫漫云
無嗣懼

醯雞舞蹁躚所見不離甕學人識進退有若觀火洞讀
書已違俗避試更疑眾裋褐走風塵往往逢嘲弄開閣

上相尊接席經生重六年任校讐頗獲量才用平生憂
患餘期免飢與凍託疾養迂愚臨文寫哀痛雄雷震大
厦驚飈折隆棟四海哭曾侯無似斯人慟曾侯薨君哭之哀疾遂亟
嘔血事淒涼隄決不可擁庸醫襍投藥寒熱復交鬩考
妣泣餒魂親舊聚羈夢垂簾徧作書歿日虞倥偬臨絕
手一編琅琅尙吟諷

正月揚州書

子與在揚州

憂君舊疾增二月揚州書喜君新

患平三月揚州書未拆心已驚封題火急字歿矣涕淚
零書中何所言倏忽大命傾旣滅還復然譬彼將盡鐙
淒其身後事一一勞友朋畸零作述篇刊刻亦未成爲

鬼殊恍惚寧享千秋名嗚呼庚午歲枉過杭州城孰知
是夙別特盡綢繆誠靈輻幾時歸窀穸當爲營峭蒨城
南山孤魂堪依憑春宵不冝曙風雨交冥冥故人儻入
夢聊欲歡平生

案頭君手畢歲得十數通見慣不甚惜委棄供鼠蟲今
來重掇拾淚落故紙叢不唯千里隔款款言離悰議事
偶齟齬反復相爲攻如見拂衣起三日含怒容亦復道
家常委折人情中處分千百言瑣屑同老翁時時埒新
詩吹氣成雨風長吟心不怡哀怨當何窮思欲聯大卷
舟車攜以從靜坐念身世素髮垂霜蓬故交秋雲散飄

忽無還蹤把酒誰與酌獨對江山雄開卷一狂笑顏色
疑相逢

甲子痛姚生乙丑悼王子悠悠癸酉歲又哭斯人灰中
壽八十年我將及半耳誰謂童稚交零落已如此舊游
諫果潛回味獨芳美新知甘如飴中有餘酸在直言豈
不怒諛言豈不喜及其喜怒平心識直言是嗚呼失斯
人聞過吾已矣地下逢姚王傲復或見罪此君性倔强
百折終未改出門雙目炯顧盼萬人海落落戴臨溪迂
狂更誰似亡者今免夫存者多尤悔他年墓下過面目
媿知己

舟次張家畦

春月如佳人嬋娟窺我幃孤舟誰與語濁酒聊共揮
熒華燭炮冉冉青蟲飛起視廬舍閒陰森桑四圍時聞
前村船采葉中宵歸物我兩不息夕露嗟霑衣

蘇公祠題壁

鳥語山雨歇久坐湖上堂蓊然草木氣心靜時聞香習
習微風聲沈沈孤日光烟水浩無極在目唯清蒼歡言
有佳侶薄飲無戀觴羣游適所性悟彼蟲飛揚緬懷東
坡翁幽興同茲長吾詩自可獻不采溪毛芳

與沈彥模子範夜話

鬼方天萬里辛苦念而翁徒手親兵事驚心著射工田

園歸已晚文字老猶雄斗酒時邀我談言見古風

謂尊甫蕭

士太守

婉變爲新婦偏知議竈炊及門猶有望入世不勝悲庭
樹僵于我燈花喜向誰老成終勿替願與後來期

海上五憶

許希庵大令師

八口飢寒累老人年年孤負故園春文章晚作謀身計
燈火長憐病眼親天際鴛鸞空念舊海邊蛟鱷久爲鄰
依依弟子如原憲屋底歌吟不療貧

吳桐雲觀簪

名大廷

紅毛城裏擁旌旗
亂髮蓬鬆手自梳
氣壓鯢身千尺浪
風吹馬耳萬言書
無端樓櫓勞橫海
欲傍瀟湘穩結廬
飛雪撲簾官燭炮
狂歌痛飲意何如

劉融齋中允

名熙載

幾年鸞掖早抽簪
講院清閒傍梵林
冉冉飛蟲觀物化
欣欣芳草覺春深
能容疏放憐真氣
不諱迂愚卽道心
門外紅塵高十丈
蜃樓蛟室接天陰

蕭敬甫茂才

海內文章孰老成
紛紛支派說桐城
近來黃浦逢佳士

清江先生詩集卷六
如此青衫負盛名落筆自矜千古事傳衣偏後百年生
兩通書就須相寄差慰劉君好古情

一粟庵僧懷德

香爐茗椀舊因緣方外論交此老賢雙眼空明常對我
一心眞實更無禪日斜野雀行虛室風折寒花拂淨筵
定裏不堪歌舞樂劫灰飛徧有情天

有作二首

南山有遺叟寂寞游空谷扶疎佳樹蔭聊以息我足浮
雲無定飛歸鳥自爲族雲鳥雨未閒久坐亂心曲掩冉
蓬翟閒惜此秋蘭馥何人歌采采歲暮傷幽獨

秋風老鸛鶴磔磔鳴烟霄俯視見千里山川方寂寥
奮飛亦何樂中心憐羽毛因緣避繒繳負此蒼天高
平林少靜柯依託哀其曹飲啄適旦暮啾啾還相嘲
思危易忘瘁守近難語遙逝矣勿復返儔侶無由招
相逢孤鳳凰願借瓊樹巢

鳳林寺薛廬題壁

淡烟孤日翛然心泠泠鐘磬來禪林晚花迎客破紅笑
新竹出牆交翠陰鳥語不聞精舍寂魚游可數幽潭深
清貧老守幾時至負手看爲長短吟

戴園夜坐喜沈晉蕃恆農至

一笑忘賓主風廊正灑然池光初受月花氣不離烟小
病唯耽靜清言自近禪夜分螢火碧孤照竹娟娟
戴園納涼四絕句

一更二更林氣涼天河耿耿東南方赤闌橋上弄明月
墮水忽驚人影長

牆陰新竹風泠泠斜月已過光幽冥草聲時訝異蛇出
人語偶驚孤鳥醒

三更荷花池上開遠香孤影風徘徊微黃灩灩月將墜
冷碧淒淒螢自來

四更鐘動涼欲歸空濛露氣霑人衣須臾月黑風颯颯

蝙蝠如盤林下飛

憶張維楨聽泉

治疾如治國勿令元氣摧用藥如用兵驅使皆關才心
游未疾始洞達疾所來譬之導黃河神功碣石開坐挾
建瓴勢千里隨紆迴疏濬各就理決盪難爲災參苓固
上選搜勃皆奇材庸醫矜隄防蟻穴成禍胎須臾幸無
患一潰良可哀任相苟不賢國脈何由培任將苟不良
士卒紛紛爲吾病憶老張斯言誠旨哉神明進乎道一
技焉足該

田家雜詠

蠶生細如髮蠕蠕就春暖須臾歷三旬筐箔忽已滿持
鐙向牆陰桑葉夜來翦失睡防蠶飢婦姑互相勉蠶飢
首齊仰宛轉絲腸斷貓鳴傷衣裙依依解相伴魚蝦日
飽汝捕鼠一何嬾束薪山棚高候火炭盆緩新婦命宜
蠶今年多作繭

夜夢南澗雨長我田中苗起來東方曙扶犁向烟皋桑
樹交陰森春鳩鳴柔條出門念共事比舍呼其曹先後
趨隴畝初日出未高塗泥適至骭力耕非一朝鳴鞭未
忍下我自哀牛勞草笠不蓋首晨風吹飄搖農談互相
荅往往成歌謠

恂恂儒家流麤糲常興歎辛苦致此物味美林下餐炎
風吹東郊榴花亦已殘墮地爲農人手足無時寬鄰家
禾易好雨露寧有偏赤日炙項背流汗治我田歸來濯
污泥婦語聞欣然南村老社公禱祀中心虔今朝擲杯
琰分明占豐年

同村數十家老屋分西東并力事糞溉聽命多田翁旣
富愛禮義緩急常可通尋常飲食訟冰釋翁言公殷勤
延里師句讀開童蒙識字著巾裾自重鄉人中扶杖時
倚門三世見鄰農出錢大作社共樂今年豐

蝗蝻蔽天飛悽悽老農語我肉儘可餐幸勿傷禾黍涼

風動廣野久雨盪餘暑耨草泥淖中歡喜相爾汝秋成
旦暮盼仍有高廩貯明晨邀嘗新鄰舂夜聞杵白酒供
一醉襍坐忘賓主悠悠歲將晚升斗納官府城中市采
繒歸來飾兒女

村童八九歲赤腳行草間持飯饁耕夫跳擲東西阡爾
牛勿囓草跨背加以鞭人牛本相識曳尾邀哀憐泥中
拾螺蛤晚食充小鮮同儕戲與語汝長多買田積穀高
於屋自足迎婦錢濛濛暝色動夕日含遠山嬉笑耕夫
後獨負空筐還

種瓜傍後戶修蔓延屋牆結實大如斗纍纍垂檐菊豆

花襪紅紫嫩筴一寸長絡緯淒淒鳴風露倏已涼東鄰
夜盜瓜采豆還盈筐搖手戒隱諱可憐貧無糧孤燈耿
壞壁紡織秋來忙全家製冬衣用布十丈強常談頗纖
悉自笑眠睡忘

催科下四鄉縣吏暴於虎到門壯夫匿老婦支離語搜
索及餅壘張皇呼酒脯應官貴踴躍惜此鞭笞苦有衣
堪質錢已得比上戶西家寡弱妻親戚動相侮腴田久
侵奪夏課獨追取夜夜抱遺孤呼天淚如雨吏去壯夫
歸拮据輸官府明晨聞叩門夢寐嗟兒女

雞生八九子張翅鳴鬻鬻登場啄蟲螳不費甕中粟蚤

起挾羣雞牆下就朝旭薄晚自知歸瞑目荒埒宿羣雞
日以長奪食互追逐雌者卵纍纍朝餐充口腹雄者知
戒旦嘯聲滿林谷微勞亦足念無事捨其肉嗟咄況取
供客來多不速

農人畏官法不抵神鬼誅春夏競祈福比里供羊豬伶
工十數輩擊鼓吹笙竽婆娑起歌舞故事知有無婦女
飾釵裙出戶羣邀呼傾觀度阡陌列坐緣桑榆但獲神
意喜疫癘村村驅一蟲不入田果穀垂扶疏神前工禱
祝醉飽偃僂巫

自題鄉試行卷後

摧折無端驥後桐賞音偏得遇良工淒涼更撥寒灰看

多少琴材在此中

座主李若農師云得子卷已九月二日矣

憂旱二首寄張行孚子中同年

赤日曛曛一月晴山田龜坼不堪耕老農易醒中宵睡
誤聽風聲作雨聲

箕踞科頭策短筇朝朝辛苦對村農憑君一檄雷風怒
驚起金精洞底龍

望雨

今年夏秋交旱魃久爲祟園中草木黃坐念禾樵悴雷
聲耳空喜雲氣目虛慰須臾忽晃朗驕陽炙人背耕耘

事方始官吏禱已再涼颼驚戶牖鐙暗未成寐中宵聽
涓滴不抵農人淚孰謂盛世祥憂愁難破塊村村動桔
槔惜此灌畦瘁魚肉襍登筵飽餐常內愧

喜雨

書生愚且妄亢旱方怨天凌晨猛雨至有似翻餅然自
卯遂歷酉檐溜奔潏援命酒喜起舞何必身治田良苗
日以長我亦叨豐年高樓百歲久上漏旁亦穿淋漓及
牀褥頗害今宵眠輾轉僵屏風體倦心自安僮僕出門
行戴笠休嗟歎耕夫泥中歸洗腳未及餐

張子虞負書圖

麻衣如雪上征途
臘水殘山淚眼枯
頻歲干戈憂食少
孤兒性命與書俱
人才凋喪驚餘劫
天意幾微慰老儒
身後獨畱文字在
亂離回首更長吁

吳山文昌宮觀潮卽席有作同秦勉鉏樹銛馬幼肩賡
良及陶子珍方琦心雲濬宣昆季

吳山翠崢嶸氣壓十萬戶
玲瓏仙人宮丹碧耀林塢
虛房納湖江高宴合儔侶
積雨罨清秋蒼然俯平楚
滄溟在北牖遠色照尊俎
我聞坤維缺造化巧爲補
茫茫日本東天海相吞吐
蛟龍窟其間瀕洞自今古
是時噫氣作萬怪忽飛舞
狂掀一丈濤怒奪兩山阻
奔崩骨母場

浩蕩西興浦帆檣逐風浪卽席粲可數衣冠有嘉會天地此奇觀詩成擲洪流字字水犀弩